

嘉靖翁源縣志

全

0.41
2.5

天一閣藏明代方志選刊

翁源縣志

廣東韶州府翁源縣志

分野

星野之說始於虞書詳於漢志大抵星之所分而屬以野其天文地理之紀固如此是以筭推步者往往觀諸十二之分野參以列宿之居方則度數順逆之變而為氣稜災祥之證者無一而不符驗也然則君子可無稽天之學者乎

五嶺以南俱百粵之地為貢揚州之南境為牽牛婺女之墟自牛十一度至婺女七度星紀之次於辰在丑謂之亦奮若於律為黃鍾斗建在子吳越分野俱同翁源亦越地其分野同於牛女

氣候

自陰陽成象剛柔成質而氣候微焉中州之氣正而弗爽嶺表遠在一隅氣候因之少異先儒生成之偏之說于茲見矣是用志以別之以俟乎善調元者

嶺以南蓋在日南之處於位屬離火之交其氣多炎且寒暑不時昔人謂嶺南風土四時俱是夏一雨便成秋翁源粵巖邑其氣候大率相類但比番禺差寒云

山川

禹貢山川各紀於州則天地間山峙川流不無可記者



翁源山川奇勝不下他邑然而鍾英毓秀乃寥寥於甲第者夫固以特發也與

翁山去縣東一百六十里高聳秀拔頂有靈池古名靈池山其泉有八曰湧泉溫泉香泉甘泉震泉龍泉玉泉乳泉四時不涸文獻廟碑云八泉會而為池即此也圖經云昔有二仙翁避息於此龍眉皓髮樵者或時見之居民飲其水者多壽故山名翁山水名翁水後縣亦以此名又曰西眉山亦是也

青雲山去縣東南一百里壁立磅礴與翁山上下並峙世傳樵者時見雲霞絢爛有若臺殿人物之狀已而跡之杳無所在

桂山下去縣北一百五十里以形似名與始興縣界先是林木蒼鬱因置巡司其下後焚於盜嘉靖己丑遷巡司於南埔其故址鄉人闢為田

紙山去縣東南八十里山產竹可造紙故名

青龍山去縣東北一百三十里秀麗逶迤溪流環遠平田廣野有若煙雲縹渺之狀

五指山去縣東南五十里五峯連頓如指因名

臘嶺去縣南八里高峻盤礴隆冬積雪盛暑如臘故名舊志有仙翁煉丹於此丹竈猶存

小隄嶺去縣東四里端聳如貴人狀爲邑脉所始

狗耳嶺去縣北七十里抵曲江縣界兩峰對峙如狗耳嶺狀
而名中道路出曲江

九曲嶺在縣北三十里其嶺盤旋九曲

獅子嶺去縣南十五里如獅子伏故名

藤山白面石去縣南六十里有石岩可容二百人

梅叢去縣西北三十五里中可容數百人即宋進士梅鼎臣
父子世居

馬洞在縣東五里水遶山環昔閩越王子白馬王棲廼煉
丹去之基址猶存

黃峒在縣東一百四十里峻險通一徑中有田可耕

九仙嶂去縣東北九十里高二百餘仞山頂有池九石環列俗謂
之九仙壇邑人貴器先有望絕頂天池詩見詞翰

羊遷去縣西北五十里兩崖對峙泉水中流邊巖石遷十餘
里險峻曲折不亞羊腸羊遷之名始此

猿藤遷去縣南二十里宋提刑楊萬里常提兵討惡潮賊
經此賦詩見詞翰

書堂石去縣東南七十里羅江水中唐有邵謂者築室讀
書于此後貢大學阻於時而卒隋巫賦詩曰青山山下少
年郎失意當時別故鄉惆悵不堪回首望隔溪遙見舊

書堂即此

寶山石去縣北三十里石山之顛復戴一石其下有池環繞左右
東巖出泉深不可測

翁水去縣東一百一十里南至書堂瀧西與英水入漢陽出大江
銅水名岑水在縣西北五十里傳言此水可浸鐵為銅

鮑泉去縣北三十里山下有鉅石鳴泉瀉落珍木出禽唐特
有僧杖錫于此鮑玩不合因名鮑石宋余襄公磨崖大書
記刻尚存見詞翰

深泉去縣西五里泉出如滾而名

湯泉去縣東北七十里桂竹崗中四特如湯滾熱可熟物故名

疆域

裂地以為守分土以居民此王制也疆域明則界限嚴而
民情以安封域紊則其勢必爭亦理也今山谿聯絡未易
畫野以分但據里圖之所辨而與明者各守焉則侵壤者
有禁亡失者有稽豈不為土宇版章之符乎

東西廣三百二十里南北袤一百九十里東至河源縣界二百三十
里西至英德縣界拾里南至增城縣界三百里北至始興
縣界二百里東南至河源縣界二百里東北至龍南縣界
二百五十里西北至曲江縣界九十里陸路至本府一百十里
至省城六百里

城池

孟子策滕君築斯城也鑿斯池也與民守之蓋王公設險以守其國者也故外有不可犯之勢而內有自固之圖其斯金湯之重矣若夫人在德之義又居守者之所當知也元末寨盜譚清樞巡檢司築土城及盜滅而城遂傾焉洪武元年始立翁源縣於此地天順六年通判杜宥知縣程振砌以磚成化三年知縣陶昇創門樓三座成化十年知縣吳政復建敵樓二十座串樓四百二十三間十三年知縣宋經重修敵樓為望樓典史明彛砌子城十六年知縣顧節重修正德十年知縣黃銘主簿顧蘭重修嘉靖十一年知縣傅雲重修嘉靖二十六年知縣侯仁重修東西南南城門增月城

形勝

覽圖經之紀觀古今之蹟而於山川之委會險夷之粵區尤立國者之所必擇也偏州小邑固非用武之地然冠戎之警無處無之其於形勝豈可緩乎是故重山複嶺鳥道龍灘其所以保於緩急者豈其微哉

縣治古多遷建今為九藏脉原庾嶠五嶺交衝同嶺近為倚障筆山遠作雲屏橫水瀟瀟一斯干之扶扶臘峯高聳恍出幽之高山黃崗為之咽喉桂丁固其扼塞

左輔以翁山之列嶠靈異出奇石磻以年逕之迤邐韶音通路四面所觀百里沃壤亦足為一方之上游而壯一邑之形勝也無形之險存乎其人

沿革

古者天子建萬國親諸侯成周以前尚矣秦廢封建置郡縣而郡邑之名始詳歷漢唐宋元建置不一所謂或合或分者也我

明混一區宇億萬年社稷然時勢異齊不無通變之制而沿革為可紀亦以見世道更變之自云

翁原為粵屬地唐虞三代以前俱在要荒之服春秋戰

國屬楚秦開嶺未置南海郡為南海地兩漢屬桂陽

郡漢陽縣地晉屬始興郡仍漢陽地梁天監元年於洽

光縣置衡州始新漢陽縣地置翁源縣隸衡州陳又分屬

清遠郡隋廢郡仍為縣開皇九年省諸郡於始興郡

置廣州總管府翁源隸焉唐高祖武德四年翁源自

廣州析隸韶州宋景祐五年創漢陽館驛建翁源縣

於漢漢宣和二年以岑水場析曲江縣地與翁源之東

境置福建縣餘地仍為翁源俱屬韶元至元十五年

并縣入曲江以縣立巡司大德二年以縣隸英州尋隸韶

州迨至大元年縣并入曲江我

國朝洪武元年復置翁源縣屬韶州府編戶一十二里

坊表

觀市廛之列觀物章之盛其於俊造之實揚忠義之囊表皆不能無坊表之設夫然迹其當日命名之意似非為觀望設也煥傑作於一新垂休光於不朽掄盛美於一時懸激勸於有永吾於坊表深有感焉

經魁坊在縣左為景榮立嘉靖十年本府知府符錫重脩太僕坊在縣治西街嘉靖十一年巡按姚虞等為寺丞吳世寶建嘉靖丙午知縣侯仁重脩

父子進士坊在縣治西街嘉靖十年知府符錫為家進

士梅鼎臣佐建

里圖

成周鄉田同井以正疆界俾田有定分賦有定法今凡邑建里以統圖圖以分甲做古制也里圖定而版籍明矣適者頒鄉約立牌甲其一道德同風俗之機乎

里有十一

長一畝 長二畝 長三畝 長四畝 長五畝 長六畝

已上俱天安鄉

宜一畝 宜二畝 宜三畝 宜四畝 宜五畝 已上俱宜陽鄉

風俗

氣化之淳漓不同風俗之通遷亦異其始也翕然而趨其
究也恬然而習故雖賢者固其中而不自覺也然變者
時也不變者道也神其幾裁其化起弊以維風返淳而
歸厚又在司風教者加之意焉

翁源國初民新脫兵革之禍士能自奮於學者甚少承
平既久文教漸興男子務於耕樵而知禮義女子力
於紡績而尚節儉禮頗尚簡俗頗信巫習事朴實
紛華不興冠婚喪祭亦多敦素不事奢侈民多向勇
知方至今向學者亦甚衆可觀大抵風俗多淳遠於郊
外之傳沿也耶

水利

自旂陌而潯洳廢水利之說盡人誅以匡畫者也史載龍
首之陂新皇之塘池陽之堰有深意焉翁源陂塘溝圳
固非在官惠績然以備旱潦以特蓄洩亦可家給是用紀
之以殷望乎河澗之仁

東至始興龍南二縣界 陂五十三圳五塘五

魯公坑陂 吉塘水陂 官公陂 三坑陂

美春陂 其餘小陂圳不載

南至河源縣界 陂六十圳四塘十二

西至曲江縣界 陂四十七圳一塘三

北至始興縣界 攸八

物產

天地變而庶類生則物產固參差之不齊矣然化工固不擇地而施而物產或因地而有者豈元運之不齊耶蓋氣機與物產相為感召而保合與取足各有所宜然則普萬物而無心者大造生物之仁也因地而殊其形質者元化成物之義也君子當於斯致辨云

穀部

粳 糯 粘 麥 芝麻 黃荳 綠荳

貨部

錠 糖 密 布 油 香 茶 紙 炭 藤

薯 蕷 蕨 粉

蔬部

芥 菜 白 菜 蘿 蔔 蒼 筴 韭 菜 菠 菜 芹 菜
菟 菜 葱 蒜 薺 菜 芫 荽 茄 菜 薤

薑 藤 菜 笋 蕨

瓜部

王 瓜 西 瓜 甜 瓜 香 瓜 水 瓜 冬 瓜 葫 蘆
瓠 香 瓜 土 瓜

果部

桃 李 梅 石榴 甘蔗 蓮房 芭蕉 楊梅
楊桃 橄欖

藥部

天門冬 山藥 香附子 菖蒲 紫蘇 薄荷 茴香 山柰子
天南星 益母草 澤蘭 藍實 槐實

花部

茉莉 素馨 芝蘭 菊花 金錢 蓮花

木部

椿木 榕木 松木 槐木 柳木 楓木 烏桕木 欖木
杉木 荷木

竹部

黃竹 筍竹 刺竹 丹竹 蒲竹 桂竹 石竹 猫竹
觀音竹 森竹

草部

長命草 菁草 茅草 萱草 鳳尾草 藍草 透骨草 油草
斷腸草

羽部

鷄 鴉 鴨 鴈 鴉 烏鴉 鶻 鷹 鷹
雉鷄 鷓鴣

毛部

馬 牛 羊 犬 猫 猪 虎 猴

鱗部

鯉 鮪 鮠 鱖 鰱 鮒 鱈 鮫 鮐 鰻 鱘

鰩 鱉 鱔 魚 鰻 魚

甲部

龜 蟹 蚌 田螺 穿山甲

蟲部

蛇 蜂 蟋蟀 螳螂 蜻蛉 蝴蝶 蝦蟇 蠨蛸

蛤 螻

力口

合

國家分設方口蓋以財用之常恒於斯供億之費恒於斯戶口有登耗而世業之盛衰聞焉是故周禮獻民數於王王拜受之孔子見負版者必式凡以重國籍也仁人君子其毋偽增以蒙賞

太祖高皇帝朝

力五百六十 口一千一十二

成祖文皇帝朝

力三百五十六 口一千四百一十四

憲宗純皇帝朝

力八百四十七 口四千四百一十二

孝宗敬皇帝朝

戶一千六百六十 口六千九百三十六

武宗毅皇帝朝

戶一千八百三十八 口八千七百七十

今上皇帝朝

嘉靖元年壬午戶一千八百九十三 軍戶二

考兵舖兵戶九十八餘皆民戶 口萬零八百七十八

嘉靖十一年壬辰 同前

嘉靖二十年壬寅戶一千九百九十軍戶二考兵舖兵戶九十八

民戶一千八百九十 口一萬一千一百五十三

卷

嘉靖三十一年壬子 同前

貢賦

惟辟惠民惟民奉君此生民以來未之有改况任土作
貢者實明王之制而成賦中邦者又臣職之常故邦
甸家稍之征未嘗以為厲而總銜結粟之輸夫豈為
浚求觀諸遠人尚有方物之獻而居王土為王民可無
惟正之供耶

太祖高皇帝朝

官民田地八十八頃一十七畝

秋糧米四百一十石五斗六升一合八勺

成祖文皇帝朝

官民田地八十八頃四十七畝

秋糧米四百二十七石九斗六升二合四勺

憲宗純皇帝朝

官民田地一千六百三十四頃六十二畝八分九厘

秋糧米七千一百二十七石四斗五升三合六勺七抄

孝宗敬皇帝朝

官民田地一千六百九十六頃八十七畝九分九厘七毫

秋糧米七千三百七十石四斗一升四勺四抄六撮四圭

武宗毅皇帝朝

官民田地一千六百九十七頃一十三畝四分八厘九毫

秋糧藍靛米七千三百八十八石五斗二升一合八勺九抄六撮四圭

今上皇帝朝

嘉靖年官民田地山塘一千六百九十九頃三十八畝三分四厘四

毫三絲七忽

官田二頃六十五畝八分六厘九毫

沒官中田二斗四升則田五十五畝一厘八絲

沒官下田一斗六升則田二頃九畝三分五厘八毫二絲

地一畝五分

民田地塘一千六百九十六頃七十二畝四分七厘五毫三絲七忽

四升則民田一千六百八十七頃七十八畝一分六厘七毫六絲三忽
夏稅桑絲本色改科絲地二十六畝七分

藍靛地四畝

四升則民地二頃三十五畝一分三毫七絲四忽

五升則民塘六頃二十八畝五分四毫

夏稅桑絲四兩三錢三分五厘

本色絲一兩八錢三分

改科絲二兩五錢五厘 改折米二石四斗六升三合

秋糧米七千三百一十八石二斗一合七勺三抄一撮四圭三粟六粒

官田地糧米五十石一斗四升九抄二撮八圭

民糧藍靛等米七千二百六十八石六升一合六勺三抄八撮六圭
三粟六粒

鹽糧鈔一萬五千二百二十九貫每鈔一貫折銀三厘本縣合屬
官吏并市鄉民人戶一千八百一十三員名共人口二千貳百三
十五口週歲鹽一萬五千二十九斤該鈔一萬五千二百二十九
貫折銀四十五兩六錢八分八厘五毫

魚課米七十一石一斗每石折銀二錢六分五厘共銀一十八兩八錢
四分一厘五毫

魚油一百四十九斤六兩四錢對折黃森一百四十九斤六兩四
錢每斤京價銀二分二厘共銀三兩二錢八分六厘四毫

魚鱉三斤一兩八錢對折魚線膠三斤一兩八錢每斤價銀
八分共銀貳錢四分九厘

綢毛九百九十六根折納熟鐵一十九斤十四兩伍錢每斤價
銀二分共銀三錢九分八厘二毫

稅課鈔官房地賃鈔三貫七百五十文

酒醋鈔一百三十六錠四貫文比附鈔二錠一貫文

戶部坐派物料

銀硃一百斤 式硃一十八斤十三兩 恭葉一百七十斤

牙茶一百五十斤

枝員 以上共銀一百二十一兩九錢七分六厘

力役

力役昉於周禮一室之征至唐有租庸調法猶為近古是均
否之所在生民之休戚以之哉

朝以丁糧定役法曰銀差即宋之免役而力差即宋之額役也
可無紀歟禮云用民之力歲不過三日言節力者之仁也
均平銀五百三十四兩六錢零六厘三毫六絲

曆日紙價銀三兩孤老歲給衣糧棺木約銀一十六兩二錢
霜降祭旗銀二兩挑符門神元宵花燈銀二兩

文廟每年二祭每祭銀十四兩三分啓聖公每年二祭銀三兩
三錢四分鄉賢名宦每年二祭每祭銀三兩五錢一分社

稷壇每年二祭每祭銀四兩二錢八分山川壇每年二祭每祭銀六兩一錢四分厲壇每年三祭每祭四兩七錢儒學二年一貢該銀六十四兩鄉飲二次每次銀六兩迤春塑香牛等項約銀一兩五錢救護日月祈雨祈晴約銀三兩其餘迤往夫馬迎接

詔書慶賀令節并新官到任一應雜費本縣置立印信文簿備載明白有餘作正支銷

銀差七十四役八分本府柴薪皂隸十四役本縣七役每役銀十二兩閏月加銀一兩本縣馬夫三十役每役銀七兩本府儒學齋夫五役本縣儒學六役每役銀十二兩膳

夫銀府學一役縣學四役每役銀十兩本府齋堂門子一役本縣儒學三役每役銀七兩貼解一役銀三十兩布政司備用水手二役每役銀十兩會試舉人水手八分銀八兩廣西梧州府門驛廩給庫銀七兩二錢

力差一百六十七役五分布按二司并府館門子各一役每役銀二兩五錢本府直堂門子二役每役銀六兩本府直廳皂隸二十五役本縣二十四役每役銀三兩正解戶一役銀四十四兩本府豐積庫本縣耳房庫庫子各一役每役銀十兩本府禁子六役每役銀七兩二錢本縣四役每役銀伍兩本府通濟倉斗級半役銀五兩本縣存番倉二役預備倉三役每役銀捌兩桂

山下巡司弓兵三十役黃崗司弓兵四十役每役銀五兩渡六處
共渡六役每役銀二兩山川社稷屬壇門子共一役銀一兩五錢
請舍四處司兵一十三役每役銀叁兩六錢本府儒學庫
子一役本縣儒學二役每役銀七兩本縣儒學倉斗級
一役銀伍兩聖殿號房門子一役銀三兩

驛傳

本縣共徵糧米約七千零

公署

自廳事之設而奉公固有其地官署之立而退食又有其
居但其規則之大小或因其地之廣狹而為之耳夫何古者以
公署為出政之地而非以為便安之私安得不方靖廉介門無私
謂者使之臨此官居此署耶

縣署唐以前無考唐至元遷徙建置不一其見古蹟洪武初城
建今長安鄉而署創于城西南知縣田楷建廨宇正統元
年知縣朱昱重修成化十一年知縣吳政弘治十七年知縣
顧節嘉靖十二年知縣傅雲嘉靖二十六年知縣侯仁
各重修

正堂三間

後堂三間

幕廳一間在正堂左

戒石亭一座

六房東廂八間

耳房庫在正堂左

土城初舊在儀門左嘉靖二十五年知縣侯仁改建在費文衡之側

監一所在儀門右 儀門三間 樵樓一座即大門

知縣衙在堂後 主簿衙在幕廳左 典史衙在儀門右

吏舍在典史衙後

申明旌善二亭在樵樓右左

陰陽學在嶺南道左今改為預備倉

醫學在嶺南道右今改為預備倉

僧會司在翁山寺今廢

桂山丫巡檢司去縣東一百二十里在桂山丫洪武初開

設天順間傾頽鄉人開墾為田嘉靖八年知府彭大

治遷于南埔

○

黃崗巡檢司去縣東一百四十里弘治十四年建嘉靖

八年重脩行署

嶺南分司舊在縣東洪武元年知縣田俗徒創儒學

之側左知縣吳政重脩嘉靖十九年巡按王德滋題

扁曰嶺海風霜

府館在嶺南道左舊為守備衙知縣顧節改為府

館嘉靖十五年知府鄭驢復以其府館空地改建新

預備倉尚書湛若水記見詞翰

學校

學校之地性道教之本也我

朝洪武三年詔天下郡邑立學迎之以師儒坊之以卧碑提
調則有守今正統以來又督之以憲臣無非使之明
人倫而興禮樂者也亦惟自其本焉求之而已矣
今夫日昃肆而器苦窳則人必以為賸工居其地
而不知其所教與教焉而弗率皆天之棄人也
盍亦反其本耶本立則性存而道生故曰致中和
天地位焉萬物育焉

儒學舊在縣北高嶺下二里創始無考元大德間併
縣入曲江而學廢洪武元年復置縣知縣田楷復
於舊基建學十四年燬于兵火十五年知縣夏應

八。

誠教諭林林遷置縣治東北正統元年始建大成
殿天順五年始建明倫堂八年始建大成門鑿泮池教
諭林永齡董其事侍讀學士林文記弘治十二年主簿
明彙重脩教諭鄭表記其見詞翰然皆因陋就簡姑
識其歲月云

文廟五間

東西廡各六間

戟門三間 泮池弘治中興史明彙砌以石

櫺星門三間 嘉靖三十五年主簿易晉捐俸鼎新重脩

明倫堂三間在文廟後嘉靖二十七年知縣王蓋臣立卧碑

東西齋各三間

號房十一間在兩齋左右

儀門三間

儒學門三間

教諭衙一間在明倫堂後

訓導衙二間一間在明倫堂東一間在東齋左

神厨一間在明倫堂左祭器俱全載學籍

學舍一座三間左儀門外左門樓一座高養賢

教一亭三間在儀門外左

啓聖公祠三間在明倫堂右知縣蕭質建

名宦祠

鄉賢祠二祠相連在啓聖門右俱嘉靖十八年知縣曹

柱訓導郭元通建

池塘一口在儀門外之左

翁山書館在城東嘉靖七年爲通判符錫立祠嘉靖

二十三年奉明文拆毀嘉靖二十五年知縣侯仁改建爲翁

山書館嘉靖三十六年正月內奉本府明文改作府館

龍頭社學在縣治東儒學訓導衙後今額廢基址

尚存城西社學在翁山寺右今額廢其基址并魚塘

一口尚存

祠廟

歸祠字以女神靈脩廟說以嚴崇奉此有古之制而紀在祀典者也是雖措爽之未泯能使人畏敬奉承而斯人之永歎弗忘者亦足以見其良心之真切矣

城隍廟在縣治南創始未詳嘉靖六年知縣容九經重修名宦祠

鄉賢祠二間詳見學署

林公祠在名宦祠後嘉靖二十四年署縣事英德縣主簿鄭守夷奉本府明文立食事何元述記見詞翰

蒼公廟去縣東一十里以蒼神元大德間寓此出死捍賊歿有靈異至元三年本縣立廟凡災旱厲疫之禱至今響應嘉靖二十五年知縣侯仁重修定立春秋二祭兵備衰廢祥鄉官知縣王維各記具見詞翰

閔王廟在演武亭左陰陽官何任仁建成化間主簿何顯一修嘉靖二十三年典史許鑰重修

忠義祠二為鄉民吳洪進立在西街內總舖之北一為陰陽官何任仁立在翁山寺之西事見忠義

壇壝

古者壇壝不屋所以達其氣也三代以木各有攸宜今之分祀于西郊者取諸陰也于南郊也取諸陽也神有陰陽斯祭有燎厲則游寬而鬼之故于北此壇壝之深義也是故惟賢者能盡祭之義而聽民聽神君子慎諸

社稷壇在縣西門外一里官房一間在壇右

山川壇在縣治南門外一里官房一間在壇左

厲壇在縣治西門外一里社稷壇後官房一間在壇右

寺觀

寺觀之設所以崇二氏之教也其說始於漢明盛

於唐憲而未流益恣肆矣但昔之入人也乘其迷暗今之入人也因其高明然則脩其本以勝之其在君子及經云耳

翁山寺舊在翁山下洪武初遷入城在縣治西北開設嘉靖六年知縣岑九經重修至今寺宇爲一邑之壯觀凡慶賀習儀皆於此乎在焉

太平寺在長安鄉去縣西三十里山石峻傑宮宇壯麗正統年間創住持僧真廣重建士夫多所遊翫誠一邑之勝景也

龍安寺去縣東八十里土名白坑古有龍池在焉

龍石寺在長安鄉去縣南北三十里高山絕頂巨石如屏泉自石中湧出宋余襄公寓此讀書親筆立記見詞翰

秀峯寺在縣治三十里

龍林寺去縣治西北三十里

寶慶寺去縣西南十里

迴龍寺去縣治東八里地平石埠巍峩峻聳聞越王之子

白馬王修煉於此寺宇亦華麗可觀

九仙寺去縣治北八十里

水月寺去縣北三十里元時古蹟左連鹿湖洞右接屏牛

潭亦清雅可觀嘉靖二十三年重修

臺榭

稽古園之有臺所以望氣視察災祥時觀遊節芳逸也
故文王靈臺民樂其有而管仲三歸適以昭侈心耳翁源
臺榭雖無關於望察而時觀遊亦其所也可無紀乎

迎春亭在縣東門外嘉靖十六年知縣曾極建

賓賓亭去縣西二里雪溪橋側嘉靖九年本縣知縣蕭質建

繫舟亭去縣南二里在橫石江干知縣蕭質建今廢

基址尚存

四望亭去縣東二十里嘉靖十年知府符錫建

閩輝亭去縣東十五里近獅子嶺正德間知縣顧節建

倉庫

積儲者生民之大命泉貨者國計之攸關是倉庫之
係匪輕也但會計之間難乎司得其人而出納之際不
克舞智以為奸今能於粟米之征嚴其收儲之期而錢
幣之入謹其慢藏之戒則庶乎費生之所憂而吾可以無
患矣

預備倉

舊在縣治南嘉靖拾伍年知府鄭驄病其狹隘知縣魯
極議以陰陽醫學并府館地改建共貳拾肆間南京吏
部尚書湛若水記見詞翰

耳房庫 詳見縣署

學舍 在儒學儀門外詳見儒學署

學庫 在明倫堂左

舖舍 附

孔子曰德之流行遠於置封而傳命舖舍其來尚矣周禮十
里有廩三十里有宿可攷也今之舖舍倣古而舖長司兵尤
備其人然不無稽遲之弊獨何歟

縣前總舖 在西門內

江鎮舖 去縣西北三十里

梅村舖 去縣西北四十五里

鷓籠舖

離縣西北六十五里

橋渡

古者橋梁之制所以克涉水之艱而舟楫以濟不通蓋自
閭物成務之始而已然矣况韶君嶺海之區而翁源尤其
僻壤也山行則攀崖緣壑水行則陞石銜沉苟有陰雨之
積而寒霖滯足者不可勝憂也此橋渡一事今日守土者
豈可視為末務也耶

龍泉橋

在城西大街

薰風橋

在城南門外

迎恩橋

在城西門外

宣漢橋

去縣二里嘉靖三十六年正月主簿易晉重造

大功橋

在羊運內

通濟橋

在岩前舖去縣東南十五里

吳翁橋

去縣東二里係寺官吳瓊吳志道備財造修故謂之

吳公橋也

善濟橋

在純石寺前

太平橋

去縣東五十里

梅村橋

在梅村舖側

九龍渡

去縣治東三十里

夾水渡

去縣治東四十里

攬陂渡

去縣治東五十里

三泐渡

去縣治東北八十里

龍仙渡

在宜陽卸去縣一百里

江鎮渡

去縣治西北三十里

古蹟

助勞於經始之初幸觀於厥成之後迹其常月締造之意無非爲久遠尚也然時不能無廢興物不能無成毀今日荒草披離之處皆昔日耿垣故址也君子繫遷徙之靡常觀建置之沿革寧不於往事咨嘆有感

古縣治五

一在安陽里羅江去今縣東北六十里一宋淳化遷下寨去今縣東五十里一景祐初遷濠寨去今縣西北一百五十里即今曲江縣巡檢司一在岑水之東去今縣西北四十里一在細草岡去今縣東南四十里以上遺址皆在

古建福縣

去今縣東五十里即今之宜陽卸遺址尚存

舊儒學

在縣東門外今遷入城內遺址尚存

舊射圃

在縣東門外基址猶存

古大雷船塢

去今縣東一百二十五里

大湖銀塢

去今縣西一百二十五里

開陽里鐵塢

去今縣北九十里 以上皆宋皇祐元年開創宋

末採無因而久廢

兵制

天生五材民並用之誰能去兵是兵爲有國之衛所恃以禦
寇亂者也翁源邑僻一偏山路險阻况無軍政甚不可
弛易曰除戎器戒不虞乃今邑帑無兵器之財君子謂
兵典之缺誠然乎而演武糾湊鄉夫亦徒矣

教場一所 在縣治南城外

縣設民壯叁百以通縣丁糧編汛守護城池隨調聽用

挂山丫巡檢司弓兵叁拾名

貴尚巡檢司弓兵肆拾名

關隘

東桃隘 在長安鄉去縣北一百二十里抵江西龍南縣界

梅花隘 在長安鄉去縣西一百五十里抵河源縣界

銀場隘 在長安鄉去縣一百五十里抵江西龍南縣界

畫眉隘 在長安鄉去縣一百九十里抵龍南縣界

南北橫隘 在長安鄉去縣一百八十里抵龍南河源二縣界以上

隘所俱有壯兵把守

職名

古者建官惟賢位事惟能我

國家做古通今科貢外有別途然所用之途廣而論定之實難

故錄其名後疏其實者所以辨賢也而亦以高勸戒

宋知縣一員縣丞一員主簿一員縣尉一員

元達魯花赤一員以蒙古人任縣丞一員以漢人任主簿一員縣尉一員儒學教諭一員訓導二員

國朝知縣一員主簿一員乃弘治十一年添設典史一員儒學教諭一員訓導二員庫膳生員二十名增廣生員二十名附學生員數無定額

桂山下巡檢司巡檢一員黃崗巡檢司巡檢一員

陰陽學訓術一員

醫學訓科一員

僧道會司各一員今廢

縣六房典史各一人司吏共二人承發房典史一人儒學司吏一人巡檢司吏共二人

知縣一員月俸七石五斗本色二石二斗五升折色伍石二斗五升

主簿一員月俸五石五斗本色二石折色三石伍斗

典史一員月俸三石本色一石五斗折色一石五斗

教諭一員月俸二石庫米一石俱本色

訓導二員每員月俸庫米與教諭同

庫膳生員二十名每月各庫米一石

增廣附學無祿

巡檢二員每員月俸伍石本色一石五斗折色三石伍斗

本縣司吏二人月各支米三斗

儒學吏一人月食米六斗香燭米三斗

知縣

宋

王必誠 見名宦

國朝

田俗 洪武元年任

李宗伯 洪武十二年任

楊振 江西安福人洪武十六年任

夏應成 洪武二十五年任

熊本誠 見名宦

張遷 廣西臨林人

張伯可 江西廬陵人

張源慶 浙江金華人

李芳 直隸人

吳玉 福建建陽人

袁文 福建建安人正統四年任

朱昱 直隸崇明人景泰四年任

程振 江西鄱陽人天順元年任

陶昂 湖廣黃崗人天順六年任

范廣 福建南靖人成化七年任

丘榮 福建崇安人成化九年任

吳政 福建政和人成化十一年任

宋經 廣西蒼梧人成化十九年任

王鳳梧 廣西鬱林人弘治三年任

范鉉 福建旌寧人弘治七年任

顧節 見名宦

蔡清 湖廣武岡人正德二年任

黃銘 福建莆田人舉人正德九年任

李錫 直隸陽山人監生嘉靖五年任

容九經 廣西陽朔人監生嘉靖五年任

蕭質 江西清江人舉人嘉靖九年任剛介明尖士民

德之

傅雲 江西南昌人舉人嘉靖十三年任

李鏞 福建長樂人舉人嘉靖十五年任

曾樞 江西廣昌人監生嘉靖十七年任加意學校

惠愛亦乎

方朝相 浙江淳安人監生嘉靖十九年任

侯仁 江西浮梁人舉人嘉靖二十五年任興學校集士

會文立社學造就童子修整城池而勤心防護勸
翼良善而禁伏凶人士民感德勒碑記之

王蓋臣

廣西臨林人舉人嘉靖二十六年任居官清介節
省民財其子兵中往納銀願募百姓至今德之

吳一唐

浙江孝豐人監生嘉靖三十年任

金曰輔

直隸休寧人舉人嘉靖三十二年任居官得體政教
革新屢見保獎歷滿給由此翁源贖古一見也

主簿

曾哲

福建福州人

明彛

見名宦

王剗

江西九江人弘治十五年任

顧昂

湖廣長沙人弘治十八年任

潘常

直隸無錫人正德元年任

何顯

湖廣永明人監生正德八年任

顧南

浙江上虞人正德十年任廉能惠愛興學有功

吳應節

浙江黃巖人

高有章

江西南昌人正德十五年任

夏徽道

四川涪州人嘉靖元年任

劉端

江西豐城人嘉靖四年任

徐泰

雲南臨安人監生嘉靖七年任

蘇澄 廣西陽朔人監生嘉靖九年任

王瓚 福建龍溪人吏員嘉靖十六年任

祝廷熙 直隸舒城人承差嘉靖二十二年任

宋基 福建莆田人吏員嘉靖二十四年任

林文滄 福建莆田人吏員嘉靖二十九年任

易晉 江西大庾人監生嘉靖三十二年任

典史

吳得成 福建邵武人正統四年任

陳保 福建永福人正統八年任

許通 江西南城人景泰八年任

李隆 江西鄱陽人天順四年任

薛慶 湖廣漢州人天順六年任

顧芳 浙江山陰人成化元年任

銀寶 福建古田人成化五年任

王鐘 福建閩縣人成化八年任

陳灝 江西星子人成化十一年任

李常盛 福建武平人成化十五年任

明彝 即前主簿弘治四年任

羅懷猷 江西豐城人弘治十三年任

龔福 廣西桂林人弘治十五年任

黃琛 江西豐城人弘治十八年任

楊容 浙江慈谿人正德二年任

李錦 廣西臨林人正德七年任

張紀 湖廣道州人正德十一年任

羅亮 江西吉水人正德十六年任

黃福美 湖廣永州人嘉靖三年任

宋祺祥 福建莆田人嘉靖六年任

何聞遠 湖廣道州人嘉靖九年任

王暢 浙江台州人嘉靖十二年任

王灼 福建福清人嘉靖十六年任

○

許鎰 湖廣永興人嘉靖二十三年任

劉燦 福建莆田人嘉靖二十六年任

馮廷和 浙江慈谿人嘉靖三十年任

吳宿 直隸深陽人嘉靖三十四年任

儒學教諭

周必鏡 廣西宣化人洪武十二年任

林株 洪武二十五年任

伍聰 廣西義寧人永樂十年任

諸育商 湖廣荊州人永樂十七年任

郭壽 山東鉅野人永樂二十五年任

戴本 本府曲江人正統十二年任

王勗 福建閩縣人景泰七年任

劉浩 直隸長洲人天順二年任

林允齡 見名宦

袁純 江西吉水人成化七年任

余龍 江西鄱陽人成化十三年任

汪昆 江西瑞昌人成化二十二年任

黃環 廣西鬱林人弘治二年任

鄭襄 江西安福人舉人弘治十一年任

袁傑 福建建安人弘治十七年任

四

康鳳 江西泰和人歲貢正德七年任

包壽 廣西臨桂人舉人正德十二年任

曹文 福建上杭人歲貢嘉靖三年任

莊爾清 福建閩縣人嘉靖九年任

何霖 江西新淦人歲貢嘉靖十四年任

吳文譽 見名宦

蔡密 江西進賢人舉人嘉靖二十一年任德性溫雅問

學優裕當道屢加獎勵以會試經道卒於家

惜乎

奉琦 廣西臨桂人舉人嘉靖二十六年任

何自省 廣西蒼梧人歲貢嘉靖三十四年任

訓導

張輝 廣西興安人正統七年任

林雍 福建侯官人天順元年任

陸琛 浙江定海人成化元年任

王文質 福建侯官人成化二年任

許明 福建建安人成化四年任

龔富 福建建安人成化十二年任

蕭寧 福建長汀人成化十七年任

李輔 江西贛州人

林熟 福建永福人

歐聰 福建莆田人

何紀 廣西臨桂人

吳瓚 廣西鬱林州人弘治三年任

葉蕃 廣西蒼梧人弘治四年任

熊熙 福建建陽人舉人弘治六年任

趙鉅 福建政和人歲貢弘治十年任

彭公序 江西永新人弘治十七年任

夏時 江西玉山人正德二年任

陳珏 福建閩縣人正德三年任

羅璿 直隸婺源人正德七年任

韓埴 福建福清人正德八年任

何全 湖廣道州人正德九年任

黎震 見名宦

何純 湖廣郴州人歲貢正德十三年任

蔡伯祥 見名宦

王濤 浙江諸暨人歲貢嘉靖七年任陞直隸寶坻教諭

謝元生 福建福清人嘉靖九年任

郭元通 浙江蘭谿人歲貢嘉靖十六年任陞福建永安

縣教諭

李先春 廣西武宣人歲貢嘉靖十八年任陞廣東文昌

縣教諭

卓仕麒 電白人歲貢嘉靖二十三年任陞湖廣楚府教授

林喬 福建惠安人歲貢嘉靖二十六年任

唐介 湖廣零陵人歲貢嘉靖二十九年任

葉稜 福建福寧州人歲貢嘉靖三十二年任

桂山 巡檢

夏瑞 浙江山陰人

廖昇 廣西藤縣人

奉璽 廣西桂林人

楊德旻 福建閩縣人

陳勤 福建莆田人

閻章 磁州人

劉訥 福建建安人

楊材 江西貴谿人

唐世隆 福建莆田人

林參 福建莆田人

劉恕 福建閩縣人

黃詔 福建莆田人

黃尚巡檢

文均陽

陳仁

孫躍 江西泰和人

唐杰 直隸人

楊瓊 福建連城人

李祚 山東人

鄭文 福建莆田人

陳藏 福建龍溪人

張誠 福建莆田人

吳容 福建人

胡龍 福建晉江人

陰陽訓術

朱尚義 本縣人

巫世祥 本縣人

何仕仁 本縣人見忠義

陳愷 本縣人

李夢祥 高安人

許鎔 本縣人

醫學訓科

潘敏才 本縣人

郭孟春 本縣人

吳重 英德人

何一春 本縣人

科貢

三制三年一選士間歲而貢其優者於王此科貢二途所以待天下之豪傑者至盛典也然科以論文而後其它貢以廉次而捐其先亦盛制也但文運之通塞有期士之曠時者有數抱奇器而值厄會者間或有之要之士君子惟盡其可能者而已其所不可能者且禁何哉

進士

宋天聖甲子登宋効榜

梅昂臣 任殿中丞見鄉賢

宋天聖丁卯登王堯臣榜

梅佐 任麻州知州昂臣子

宋熙寧庚戌登葉祖洽榜

劉瑞 任提舉見鄉賢

國朝天順四年庚辰登王一莖榜

張廷倫 任南京戶部主事

舉人

洪武三十一年己卯科

劉守身 長安鄉人任博白縣教諭

永樂十八年庚子科

陳珏 長安鄉人

余清 宜陽鄉人

正統三年戊午科

葉榮 長安鄉人

正統十二年丁卯科

張廷倫 見進士

熊穆 宜陽鄉人

成化十四年丁酉科

唐以成 長安鄉人任本省臨高縣儒學教諭
歲貢

洪武年貢

黃日新 任湖廣寶慶衛經歷陞交址布縣知縣

鍾子高

張惟盛

曾惟明

陳以祿 任交址誘縣知縣

龔輝

陳子瑕

永樂年貢

黃冀

譚伯通

余勝宗

余仙

何觀

朱貴 任交址新安府經歷

黃登

李華

杜碣 任江西龍泉縣知縣

飛安 任武進縣知縣

劉英 任崇安縣知縣

宣德年貢

曾崇 任廣西潯州衛經歷

沈彬

譚洲

譚靖

正德年貢

張鑑 任廣西潯州府經歷

李銘

廖珙

陳敬

阮聰

楊鼎 任廣西賀縣所吏目

景泰天順年貢

歐信

何瓊 宜陽鄉人任河間府知事陸太平府推官

何華

何義 宜陽鄉人任廣西賓州吏目

黃俊

陳泰

成化年貢

鄭誠

任江西信豐縣縣丞

曹達

任廣西布政司檢校

朱珣

任江西沿山縣縣丞

周禮

任江西贛縣縣丞

包聰

任福建長樂縣主簿

鄭富

劉廣

李善

任廣西柳州府照磨

陳正

任海州判官

陳亮

任貴州長官司吏目

陳廷

長安鄉人任新昌縣縣丞

弘治年貢

何仕傑

長安鄉人任中韶番司經歷陞浙江杭州府通判

陳隆

任吏目

黃瑾

謝彥峇

包元制

長安鄉人任廣西鬱林州吏目

張聰

長安鄉人任金甌衛知事

陳葛 宜陽鄉人

林茂 長安鄉人任武昌府經歷

鄭聰 長安鄉人任浙江寧波府經歷

正德年貢

鍾韻 長安鄉人任四川武隆縣知縣事見鄉賢

李睿 長安鄉人

蕭崇 長安鄉人

黎巖 宜陽鄉人

吳海 長安鄉人

嚴恭 宜陽鄉人任銅仁府經歷

黃文祥 宜陽鄉人任廣西鬱林州吏目

張祥 長安鄉人任興國州吏目

孫世寶 長安鄉人任宜化知縣行取太僕寺寺丞陞周府左

長史早孤篤學出治有聲且能捐已俸建祠

堂以教家孝立義倉以濟族貧此翁源之

所未有敬服之敬服之

李尚文 長安鄉人

吳世恩 長安鄉人任湖廣江陵縣縣丞

李尚賢 長安鄉人

嘉靖年貢

方陽生 任北京武學訓導

王繼 宜陽鄉人任福建古田縣丞陞江西石城縣知縣
續有聲力求事毋請司慰晉有文可擬也

楊春貴 宜陽鄉人

利宸 宜陽鄉人任母陽縣主簿陞廣西恩恩府經歷

吳奇 長安鄉人任舟徒縣主簿陞徽府典寶

李尚仁 長安鄉人

周業興

黃五 長安鄉人

吳世壽 長安鄉人任廣西全州吏目

朱顯 宜陽鄉人任浙江味縣主簿

吳龍 長安鄉人任廣西潯州府通判

黃晉先 長安鄉人任福建寧府學訓導寓學能文兩京

有賦

鄧南箕 長安鄉人

周巡 宜陽鄉人任江西贛州府學訓導陞福建羅源

縣學教諭

何一慶 宜陽鄉人任江西安福縣縣丞

吳辛 長安鄉人任廣西鬱林州學訓導

黃德先 長安鄉人

黃仁祿 長安鄉人

吳輔國 宜陽鄉人

薦辟

成周以三物賓興而漢制四科亦薦辟意也白科目設而由此途者鮮

國朝欽才惟博無舉並用顧不免於晉良之慨有哉人也

制也

唐以通經薦

邵曙 本縣人見鄉賢

宋以通術薦

人

成俸 本縣人見鄉賢

國朝洪武初以孝廉薦

吳仕彬 本縣人見鄉賢

授例

黃縉 正德十一年例

黃緒 正德十一年例

蘇一中 嘉靖十五年例

吳章 嘉靖二十五年例

吏員

吳世才 長安鄉人

周建 宜陽鄉人

郭高 長安鄉人

何潤 宜陽鄉人

名宦

士之膺一命而守其職要在行其道而不負所學可矣
故存而景慕去而見思非他也是非之公不容泯好
德之良所必有故一名宦之立尊尊親親之義昭於
此矣後之官斯土者非門堂而思遺蹟臨沮豆而挹
耿光吾不知當何如興起耶

宋

王必成福建莆田人嘉定十四年任知縣明察勤慎率
先禮教惠邑少學徒捐俸葺黌校置墟市行保甲禁
奸壬存恤老幼士民皆得其所邑賴以寧

國朝

熊本誠洪武初任知縣時天造草昧干戈甫戢民遺未
還田曠未懇桑麻未植本誠多方招徠之既又躬臨
村落相地勢教之墾闢因土宜教之樹藝蒞官事如
家事以民心為忌無厭教之心累遷至福建左叅政
顧節浙江嘉興人弘治間任知縣值歲饑荒聞之當
道民獲賑給脩城池興學校不科擾於民邑之革運

山高路險盜多隱伏節為閉關遂成坦途者民行旅咸便之

林允齡福建莆田人天順三年任教諭瑞發整肅病邑風化乃令諸生習禮三月方訓以詩書後攝美德縣移易風俗遷建儒學紳有政績具見美德縣政碑在任九年歿於官士夫肖像祀之

黎震廣西蒼梧人也由舉人正德十三年任訓導存心朴茂有方人材多所成就正德末卒於官囊篋蕭然門下生成為哀慟有五繼李尚質者扶柩送抵家可以見人心思慕之誠云

蔡伯祥廣東瓊山人由舉人嘉靖初年任訓導恬靜簡默學問蘊藉郡守周叔延之府城選各學生員從之講授二年迄嘉靖乙酉應聘廣西鄉試校文兩成以會試旋卒於建士林至今惜之

吳文舉福建閩縣人由舉人嘉靖十八年任教諭純雅之資平實之學循循善誘不激不徐情天不假以年赴廣西文衡之召卒于途殯殮草草知府符錫為易棺殮厚恤其家而遣之

明彛湖廣黃岡人弘治間任典史時值歲歉賑給有方訪親喪不能舉者博之尤知重學校築泮池脩祭署立兩廡

會第尚賤發穎以勦平陸仁化主簿通縣里老赴都堂
保番之改陞本縣主簿

鄉賢

十室之邑必有忠信翁源雖小邑而一鄉之士德業聞望間亦
有可稱者古稱鄉先生歿可祀於社者所以舉勲庸發幽隱
而表勵世風也則建祠崇祀以求其傳夫固后人弗容已之
心耳

唐邵謂本縣人築室羅江水少窮賤屈為縣吏今有客順
使搯床謁燈目視之曰吏豈搯床者耶今若找出之謁後憤
讀書久之博通經史尤攻古調為有司所舉隸籍國子監
華燁於緝紳今唐所收樂府四篇有集行世國史黃佐傳
其事見廣州志

宋

梅鼎臣天聖末郊榜進士官至殿中丞有直諫聲子梅位亦登
進士知藤州操履清白有卓異之行

劉禧熙寧業祖洽榜進士博學洽聞百家九流之書無弗窺
歷官至廣東南路儒學提舉其教子立課程懸賞罰責實
行崇信讓自是人材輩

成俸年二十餘始知讀書不數年通悟經術尤深易數熙寧間
荆公用事以其通術宣門下懇歸公惜其志未遂特薦為

兩京左藏庫使

國朝

吳仁彬居家孝友洪武五年因孝廉授福建建安縣縣丞
鍾韻長安鄉人性孝友居鄉恂恂雖五尺之童弗欺正德改
元貢于春官遊太學讀書愈奮歷滿回籍俟銓弗肯私
謁正德末任四川武隆知縣興學校勸農桑得古循吏
體未幾丁外艱百姓有涕泣隨之者三年制終樂高尚順事
母雖撤取竟不起後年八十四善終人皆稱爲長者云

恩贈

國朝御製勅命

八

奉

天承運

皇帝勅曰國家褒寵賢必追責其先世蓋表本而勸孝也爾吳潤乃南
京太僕寺寺丞吳世寶之父積德累仁鄉邦稱重鍾祥乃嗣效用
於時聞爾潛休錫予顯命茲特贈爲承德郎南京太僕
寺寺丞於赫寵靈永烈思幽壤

勅曰人子之才雖由父訓而資於母德宣多故追崇之命母與父
均爾羅氏乃南京太僕寺寺丞吳世寶之前母克秉貞
德夙著母儀後子有成而養不逮推原所自宜被渥恩
茲特贈爲太安人九原有知尚有敬服

勅曰古謂坤德如母蓋以其配德於父思宜並焉爾楊氏乃南京太僕寺寺丞吳世寶之親母克全母德允嗣徽肇順相爾夫愛均厥子爰加綸綍以彰爾賢茲特封為太安人茂廷寵光永護祿養

勅命

嘉靖十六年三月十三日

之寶

奉

天承運

皇帝勅曰國家設太僕寺以統群牧南北惟均必長佐之皆賢乃

克稱焉南京太僕寺寺丞吳世寶蔚以賢關之彥出宰

鉅邑愛民守已脩政立教循吏也朕因采諸薦揚陟佐

牧寺乃能祗服官箴奉公率屬日開廐圉焉政舉脩厥

功可嘉茲以大慶覃恩特爾階承德郎錫之勅命爾其

益盡乃心茂收明績以副朕經國除戎之意欵哉

勅曰婦從夫貴不以存歿有間重大倫也爾南京太僕寺寺丞吳

世寶朱氏早以淑德作配儒門起家而居弗克偕老肇頌

寵命用旌徃勞茲特贈為安人九原有知服此殊渥

勅曰古者禮重宗婦室必有繼所以承先祀理內治也爾南京

太僕寺寺丞吳世寶繼室黃氏恪脩內範允嗣前徽

克相乃夫為時賢吏夫今晉秩爾貴宜借茲持封為安
人茂膺寵光益敦儆戒

勅命

嘉靖十六年三月十三日

之寶

附義方

夫翁源新脫兵革之餘人之教子向學者甚少况能教
之有成而荷

恩贈以為一縣之光者乎此義方之附為為人父者勸所以
不可已也

國朝

贈太僕寺寺丞吳潤

節義

天下不可無節義之士而亦不可徒徇節義之名夫節義也
者所以扶綱常而維世教者也雖成敗順逆之迹不一而千百
年之後亦可以明其志之無他也但君子觀人要當原其心術
之微而極其顯微關幽之論若徒徇其一節之小而遂信
其終身操履之全吾恐識者之儀其後矣是故君子貴
核實焉

忠義

吳洪進長安鄉人太僕世寶之伯祖也天順初爲通都老
奉委薰築城今之壯觀就緒洪進之力也八年甲申西寇
犯境設法殲平人服其義勇成化初寇復攻城三晝夜
人民惶怖計無所出洪進以死自許提兵追戰抵地名猿
藤運李脫擄衆李彪等三百餘口生擒賊男婦解
軍門餘皆斬首後復賊發進戰力竭而斃于敵時憲
使郡守各有詩紀知縣陶昇撤中撫按守巡俞允建詞頌
像優恤徃役免糧八石用勸忠義至今子姪業儒成名
世濟其美

何仕仁長安人通判仕傑之弟弘治八年授本縣陰陽訓術有
畧特黃尚寇掠境奉檄捕獲賊首劉揚保生擒鄧二養
等解軍門賞犒稱功遂疏其事以

聞陞黃尚巡檢司土巡檢正德十三年復奉檄征龍川紀平諸寨
力戰而殞蓋以衆寡之不敵也嘉靖十三年知縣傅雲
撤申立祠塑像仍令徃役免其家以爲忠義之勸

節婦

丘氏名妙全長安鄉人耆民丘崇保之仲女也年十有七適鄉
人郭明全無子逾十年明全遠疾卒止時二十有七孀居誓
不再適夫第明五年方五齡丘扶育明玉事姑愈慎姑垂
老不二年隨卒族人有利其產者亟欲奪之丘防衛甚嚴

凜不可犯族人諒其節遂寢厥謀迄明玉稍長即令就外傳
年十六爲娶胡氏生二子曰瑞曰瑞二孤尚在襁褓明玉亦卒
丘乃慰勉胡氏曰吾以不忍郭宗之無賴也堅志守節茲
昊天不愍遺此二孤奈何明氏感泣竟相守無二今瑞瑞
頗有成立瑞則遊邑庠丘亦以七十四壽終矣先是郡守
鹿巖鄭公具羊酒獎吳之嘉靖二十年郡守穎江符錫仍
立貞節祠表揚其宅二十四年巡院瑞山陳公按部有司學
按亦具勸報以俟上

聞

伍氏籍名無傳夫劉細奴家貧末樂十一年爲傭工於翁
源一日夫細奴汲水被虎噬去伍徒手逐之拽其夫足虎棄
其夫轉噬伍二命俱斃教諭伍聰聞而義之爲之蒸瘞收
養其孤子

按伍氏不可考其何縣人而其烈死乃在翁地浩然正氣有
激於翁是不當與節婦並傳耶

節義未采者附錄之

楊氏吳潤妻年二十一夫故遺子二長世實方三歲次世恩方
半歲楊氏堅志守節撫孤隣嫗有諷以改適者氏曰或不
諒此心便當一死二孤年稍長今從師讀書每夜訪績
以伴之既而典賣田業爲盤費束脩令子員謹遠從名師

二子聽母訓俱各有成正德間知縣蔡清知其守節教子具羊酒旌異之且將以

聞氏命子世實力辭曰吾願爾輩成人足矣何以名爲後果以長子寺丞貴封太安人次子亦教成任江陵縣丞年七十八而終通縣人至今誦之不已故錄之以激人之節義云

孝義未采者附錄之

張倫宜陽鄉人性稟淳朴自幼爲善父張碧璋手足沾風不能舉動倫日逐扶持三食進食事奉三十餘年終始如一知縣王蓋臣聞其名具爲善最樂牌扁獎異之後父故倫結廬在山守墓三年至母游氏亦改殯山倫仍廬墓三年知縣金曰鋪聞其孝行寫獎翼慎脩牌扁具羊酒并有印信下帖獎異之邑人以其爲難故併錄之

詞翰

新建預備倉記

尚書湛若水撰

預備倉者翁源縣戶之所創建也翁源爲韶巖邑戶能運行積穀之令且至萬石焉謂穀必有貯貯必有倉乃度府館廢址及陰陽府館隙地橫縱若干丈創爲是倉其中仍爲府館爲聽事爲廂房爲庖湑凡若干楹而府館不失其舊其中爲倉之殿者三間間深一丈二尺廣稱之東西爲殿

者一十八間間深若干廣亦如之前為門樓三間而翼以二廡
于其旁一以貯紙價之米一以貯官吏之俸經始於嘉靖乙
未十一月落成於丙申正月曾縣戶極蒞焉王主簿瓚贊
之於是邑士夫鍾戶韻吳民瓊等咸請頌縣官之功以上
措郡侯之美極曰非縣官能致然也乃我郡侯之功之德
也侯起江山由進士秋官來守于韶開明經館脩古小學
使屬邑六各為預備倉以積穀而教養兼備焉是乃郡
侯之德之功也今官何有焉鄭太守騶曰非府官能致使
也乃我

聖天子之德也凡措告之脩行於天下州郡州郡謹本取之以致於
邑俾置因倉預儲積惟多寡以為賢否凡以教民荒重民
數也是乃

聖明之德也守臣何有焉曾戶極書從甘泉子遊走書以告甘泉
子曰不亦善夫惟政匪弊於時弊於人故君明其義臣能
其事則政舉矣今匪齊於法齊於人故上宣其志下措其
實則今行矣嗟夫井田廢而天下無美法矣富者益驕以
濫貪者日濫以亂而天下無善治矣故井田不復王道之
疾也惟其疾以圖其善因其時以救其弊脩其法不詭於俗
齊其政不易其宜此常平預備之設其王道之遺意老有
所終幼有所長康寡孤獨廢疾者有所養則政行事成而

化樂焉富民持曰彼皆天之民也貧感乃爾吾何可獨富而仁之心油然而生矣貧民持曰公府之給農氓之力也吾何可以徒鋪而義之心油然而生矣仁義興而道德一風俗同是故其善教達焉公不知惠民不知病相忘於怨府而善治臻焉故行一物而四善皆得此預備倉之謂也今節使能祗承

聖天子之德意而曾尸又能奉行節侯之善政而致之民四方有賢能之吏必來取法是為守令師也若從鍾戶耆民之請立石以記一邑之善以風四方焉夫豈不可於是乎書兩京賦刊板存縣庫邑人黃器先撰

乾石碑記

古之學佛者內樂空虛以照自性外作饒益以濟群動故行脩於已功施於民雖岩居穴處草衣木食委於浮累超然獨往而萬家之城十室之邑率有信向仰為開導由是攀蘿躡霧機險深深異人所居必立精舍乾石院者翁川之盛刹也山川之蔥鬱者絕紛囂泉石幽奇足以耽玩唐大中三年有僧法光爰此剪茅衆為築室去章樾實遂以乾石為名劉氏瓜分亂離斯瘼鐘暎之聲幾乎息矣開寶初因故號遷於上潭香火僅存風幡無托不有廢也將何以興夫聖中人住持惠周同檀越衆迪等相與謀曰佛之示人大矣人

之起信也久矣察祭枯者知其果視禍福者存乎慮爲善者有精進以篤其脩畏罪者有懺悔以寡其過作福者有布施以破其惑念往者有追奉以廣其孝是知民眠閭井不可一日而違廟塔也既而同焉者慕吳焉者最富焉者資壯焉者力其大觀也則壘岫實挹澄溪帶附其度村也則百堵雲構四阿缺字其說像也則金碧睍容天龍善衛其極境也則邱木彌望佳氣襲人真崇福之秘宇絕塵之幽致也苟非智者創謀善人協規孰能興於此哉巨石如屏泉深於下可以爽情靈可以滌塵慮命名之始其在茲乎就產藝琢傳之不朽昔天聖二年正月十七日也

國朝

重建儒學記

侍讀林文撰

國家治天下之要莫切於用賢賢才者治化之所由成學校者賢才之所自出然教養不以正道故得真才之用以成治化之隆者幾希自古

聖明之君所以致治化之隆者皆由得賢才以正道輔治耳

國初首詔自古都以至天下郡州縣皆建學立師簡俊考教之以聖賢體用之學故由賓興而出者布列中外其學足以化民成俗雖百粵海外之遠莫不涵煦詩書禮樂之澤其治效可媲美於唐虞三代率用是道焉翁源東廣

韶之雋邑去韶東南九十里漢漢陽縣地有翁水之源
故以名縣其廟學舊在縣北元治廢

國初後建尋災洪武二十五年始遷於縣治東北自建學
以來風俗人才亦有可觀通年盜竊發民困於盜而司正
教者少得其人莆田林永齡嘗以選來典翁源教謂廟
退即告同寅曰是廟學自建迄今歲滋久地壞日加剝嘗
時所建蓋者完而未備耳其增脩實吾輩責也遂謀諸知
縣陶鼎捐已俸倡富而嘗義者助之於是凡者所未備
者今皆備之廟學一新既落成念曰是事不可以無記求辭
乃告同知府事方君新走書遣帶屬文爲記嗚呼學

校之興在乎司政教者之得人也得人則風俗以之而美
人才以之而成又豈有聖賢享祀之廟師生講學之堂
而不知脩葺乎翁源去曲江不遠士多原慤可與進於道
亂今其遊是庠者苟能專用心於古人之學將來必有出
爲世用以毋負國家作育之厚願不題歎前知府林君
慈通判茅君海杜君宥知縣程君振皆與有功云是
爲記

兩京賦序

少詹事前南京國子祭酒秦象黃敘撰

叙曰祝誦宅矣弇州播歌厲山繼作白阜紀地倉庶載鳴
青陽布德雕虎劃嘯清飈奏籟雖聽音與觀事異執

神靈與翹跂殊迹然其爲感召一也仰惟

二祖並建天邑

皇上獲宣重光丕闡人文旣章鴻業禪海內外斐然嚮應豈
非邛隆之會哉揚粵踰嶠卽爲韶卽文儒鉅工昔蓋寤
寤如也曲江之後武漢之前卽謂乃產于翁源詩以鳴唐
予諫其集懔然吳之何則易之離爲文明萬物皆相見
南方之卦也故珠犀玳瑁沉檀布果之凌萃于極南徧
于中縣而文隨之屬續火官照耀乎始其來遠矣歲
甲午黃生畧先從予受學贊以詩文詞賦志在探道
幾玄謔其邑籍則又翁源人也趣慕好古直追周漢
予益異焉示以卽詩則刻之以風與談名理則悟之以
默駸駸泝源洙泗矣當

今樞樞應紀貞符錫美卿雲甘露之頌神雀白鹿之
歌洋洋泯泯彪炳朝署予三入承明乃不能效技藝烏
以舒鳴嘯而猶潭心孔經以迄皓首亦同矣哉間嘗伏
念孟堅賦兩都盛稱洛邑以抑西土恣思平子賦二京
推本勞逸戒殫物窮奢之失宣上諷下歸之興要並有
六義遺風焉禁林彙哲則有若李吉廡氏陳光世氏延年
藝苑則有若桑悅余光雖云能賦然揚儒搢藻未知其
麗則儕諸班張何如也黃生隱居青龍山中應

詔起為建寧博士年踰三十驟告致仕而歸聞臬載子繩其高節至願為之執鞭焉可謂卓然大雅超軼先民也已在聞乃重思發憤著為此篇舉

盡明於教軒儼

列聖於姚妣思唐風鑿啟盤桓情本之致達變通之紀雖極於燧曜而卒歸於諷諭其志業不亦偉與嗟乎向使黃生歷金門上玉堂優游論思

賜清閒之燕其所紀述足贊離明之治獨瑋瑋詔產乎哉今黃生絕意榮觀而予亦老碧山緬懷始見貽書述厥飢渴之慕魚水之驩擬諸儀封豈木鐸亦其識邪

曲肱可批則予與黃生穎乎有餘樂矣其所手愿蓋溢于詞外此第序其賦云

嘉靖三十六年正月內奉本縣故牒遵奉

欽差兩廣都御史談 明文纂脩本省通誌轉行本學具查誌書自嘉靖初年起至今止未采收錄者本學曾同通學生員李孔明吳美郭師文林一桂等逐一備查高誌稿并未錄並無遺隱謄寫一樣二本一本附學五本一本附縣立案以為日後取徵云



